



1742,5

7

FACVLTATIS IVRIDICAE  
DECANVS,  
HENRICVS MELCHIOR  
SCHÜTTE,  
PHILOS. ET J. V. D.

MEMORATÆ NEC NON PHILOSOPHICÆ FACVLTATIS  
ASSESSOR ET PROFESSOR POLITICES PVBL.  
ORDINARIVS,

L. B. S.

---

ERFORDIAE,  
Typis JOH. CHRISTOPHORI HERINGII,  
Acad. Typogr.

FACULTATIS IURIDICAE  
D E O A N S  
HENRICHUS MULLERUS  
SCHOLAE  
PRINCIPALIS  
MAGISTER ET DOCTOR IURIS  
ASSOCIUS ET PROFESSOR IURIS  
ORDINARIUS

L. B. S.

FRANCIS  
JOHANNES CHRISTOPHORUS HERRINGIUS  
A. D. 1702





**C**arcer a coërcendo dictus est locus, in quo homines a Magistratu custodiuntur, ne fugam capeſſant, ac ab objecto dividitur in civilem & criminalem. In cauſis civilibus nemo regulariter, niſi ex certis & prægnantibus rationibus, v. g. ſi debitor non ſolvendo & fugæ ſuſpectus ſit, in carcerem conjicitur. Carcer vero criminalis eſt frequentior, & vocatur mala manſio, *l. 15. §. 41. ff. de injur. l. 7. pr. ff. de poſ. & propter ejus ſqualorem, inedia, frigus, tenebras, & cruciatus ſpecies torturæ eſſe dicitur, atque morti comparatur c. §. 41. l. 23. C. de pœnit.* Si qua ergo in re, in hoc maxime circumſpectos eſſe oportet magiſtratus, ne reum temere in carcerem & vincula conjiciant. Quare de custodia reorum Proconſul olim æſtimare ſolebat, utrum in carcerem recipienda ſit perſona, an militi tradenda, vel fidejuſſoribus committenda, vel etiam ſibi *l. 1. ff. de cuſtod. & exhibit. reor.* Primus modus locum ſibi vindicare ſolet, ſi judici conſtat, non tantum grave ſcelus eſſe admiſſum, ſed etiam carceri

carceri mancipandum per indicia & conjecturas probabiles ac verisimiles hujus delicti reum esse. In persona tamen levi leviora sufficiunt, at in honestiore graviora requiruntur indicia, quæ cauti judicis relinquenda sunt arbitrio. Alter modus in personis honestioribus & in dignitate constitutis in primis delictis nondum confessis neque de eo convictis observatur. Erant autem rei vel in libera militari custodia, quando a militibus quidem asservati non tamen per vincula aut catenas iis allegabantur *l. 2. C. de exactor. tributor.* quam gratiam a centurione Paulum impetrasse, videtur *act. apostol. c. ult. vers. 16:* vel in custodia militari non libera, cum extra carcerem duobus militibus tradebantur, ac utriusque catenis alligabantur: vel denique in custodia adstrictissima, cum in ipso carcere duobus alligati militibus, asservabantur, cujus rei exemplum *in act. apostol. c. 12. vers. 6.* in Petro Apostolo deprehendimus. *JO. VOET. commentar. ad Pand. libr. 48. tit. 3. §. 10.* Aliquando tamen reum uni commissum esse militi eadem catena cum reo alligato HEINECCIUS *in elem. jur. civ. sec. ordin. Pandectar. eod. tit. §. 168. in not.* comprobatum dedit. Tertium modum constituit fidejussio. Fidejussor enim accipi potest, si ex delicto agatur civiliter, vel criminaliter quidem, sed ad pœnam pecuniariam: sin agatur ad pœnam corporis afflictivam, cum nemo membrorum suorum sit dominus, & delicta suos debeant tenere auctores, fidejussor commode accipi nequit. Nonnunquam tamen etiam in delictis, in quæ pœna corporalis est statuta, fidejussor de judicio sibi admittitur. Quartus denique modus est, ut reus sibi, i. e. suæ fidei, religioni & promissioni, eique

eique vel nudæ vel juratoriæ, suadentibus ita circumstantiis, committatur. LAVTERBACH. *colleg. theoretico-pract. libr. 48. tit. 3. §. 16.* Qua tamen ratione procedendum sit, si quis in ea culpa vel crimine fuerit deprehensus, quo dignus claustris carceris, & custodiæ squalore videatur, auditusque apud acta, cum de admissio constiterit, poenam carceris sustineat, docet *l. 2. C. de custod. reor.* in qua ἀνάκρισις seu iteratum iudicium, cuius mentio in *l. 6. ff. de custod. reor.* & in *act. apost. cap. 25. vers. 26.* fit, præcipi, JAC. GOTHOFREDVS in *commentar. in l. 2. C. Theodos. eod. tit.* censet. Quam legem cum interpretibus crucem figere soleat, lectione cursoria explicabit ac illustabit.

NOBILIS ATQVE CLARISSIMVS  
IURIVM CANDIDATVS,

DOMINVS

JOANNES CHRISTIANVS

Kaulfuß,

Natus ille est Plaviæ Variscorum, die 25. Decembris, Anni Millefimi Septingentesimi. Patrem habuit FRIDERICVM Kaulfuß, dictæ Civitatis Plaviensis Præterem & demum Pro-Consulem, qui anno 1723. vitam eum morte mutavit, Matrem CHRISTIANAM SOPHIAM, JOANNIS HEIFFELII, Theologi gravissimi ac Superintendentis Plaviensis, filiam, anno 1713. pie defunctam. Parentibus hisce semper fuit curæ, ut ad bene beateque vivendum, & ad publicæ rei usum Candidatum nostrum educarent; hinc ab ineunte ætate eum commiserunt privatæ institutioni FRANCHII,

( 3

Scholæ

Scholæ Plaviensis tum Collaboratoris, postea Collegæ  
tertii, cujus in fidei christianæ principiis, in bonarum  
artium rudimentis, & in morum probitate, doctrinæ  
perspicuæ & fidelissimæ multum se debere profitetur.  
Fundamentis jam dictis imbutus Lyceum, quod in  
patria urbe floret, adiit, & IRMISCHII Cantoris, LAN-  
GII & PETRI, Con-Rectorum, præcipue BIRCKHAH-  
NII Rectoris, viri, dum viveret, humaniores discipli-  
nas, bonosque mores, cum singulari animi continen-  
tia docendi arte excellentis, scholas publicas privatas-  
que frequentavit. Temporis etiam & futuræ utilita-  
tis rationem habuit, & modi in judiciis procedendi cu-  
pidus, Parentis manu ductione usus, variis elaboratio-  
nibus, quibus in exercitio jurisdictionis a diversis feu-  
dorum possessoribus ipsi mandatæ opus erat, operam  
dedit. Tandem oratione valedictoria, in qua verum  
Jctum describere conabatur, in Lyceo Plaviensi habi-  
ta, in Academiam Lipsiensem se contulit, & almæ  
hujus Philuræ albo M. Octobri 1719. insertus, Gott-  
fr. Polycarpum MÜLLERUM Prof. Publ. Extraordina-  
rium, Philosophiam docentem; in Jurisprudencia ve-  
ro Ge. Ad. SCHUBERTH & PHILIPPI, Institutiones,  
LAURENTIUM Struvii Jurisprudenciam, OLEARIUM  
Pandectas, BAUERUM Jus feudale, RIVINUM Proces-  
sum, & MASCOVIUM Jus publicum explicantes auscul-  
tavit, publicis etiam RECHENBERGII ad jus civile, &  
MENCKENII ad jus Canonicum prælectionibus inter-  
fuit. Præterea primo loco nominandum censet HIL-  
LIGERUM, Scabinatus Regio - Electoralis Assessorem,  
cujus singularia beneficia in se collata nulla gratiarum  
actione satis unquam prædicare valet, siquidem mor-  
cum



cum Lipsiam ingressus esset, benevole illum excepit, vitæ & studiorum subsidia per multos annos illi suppeditavit, & veram juris scientiam ad usum forensem applicandi viam variis modis demonstravit. Ut denique studiis suis sibi & aliis inservire potuerit, exercitia disputatoria privata sub moderamine PETERMANNI, instituit, & an. 1725. sub præsidio KÜNHOLDI, Gymnasii polemicæ Menckeniani disputationes, & respondendo, & iterum iterumque opponendo, in publico auditorio ventilavit, postea ab Illustri Jctorum Lipsiensium ordine, ut ad examen pro Praxi admitteretur, anno 1726. decenter petiit, quo peracto, & aliis consuetis speciminibus exhibitis, à summo Regimine Provinciali Regio-Electorali Saxonico numero Advocatorum d. 9. Januar. 1727. adscriptus est, nec non anno præcedente officium Notarii Cæsarei publici, quod Amplissimus Senatus Lipsiensis, vi Comitivæ Cæsareæ, ipsi concessit, in universis Electoratus Saxonici terris exercendi facultatem impetravit; ex quo tempore causis in foro orandis, quantum quidem vires valebant, operam dedit, simulque in diversis pagis jurisdictionis administrationem suscepit. Tandem nostro ordini desiderium suum summos in utroque jure capessendi honores exposuit, &, ut ad consueta admitteretur specimina inauguralia, modeste petiit. Textus igitur ex utroque jure tam Canonico quam civili ante examen rigorosum explicandos, cum eo communicavimus, quos doctè non solum resolvit & enodavit, sed & in ipso examine talem se nobis probavit, ut unanimibus suffragiis dignus judicatus fuerit, cui cathedra juridica aperiretur, & desiderati, honores decernerentur.

tur. Crastina ergo luce die XX. hujus mensis, recitatione solenni, quam lectionem cursoriam vocant, in vexatam *l. 2. C. de custod. reor.* commentabitur, eademque finita, dissertationem inauguralem

DE

## CARCERE DIVTVRNO POE- NAM CRIMINIS TEMPERANTE.

sine Præside tuebitur. Ad quos actus solennes Magnificus Dom. Rector nec, non reliqui Academiae nostrae proceres ac cives, ea qua par est observantia & humanitate invitantur. Publ. sub Sigillo Fac. Jurid. Dom. XIII. post Festum Trinitat. die XIX. Aug. A. O. R. MDCCXLII.




ERfurt, Diss., 1742/44

ULB Halle 3  
005 355 400



W078







B.I.G.

Farbkarte #13

1742,5

7

FACVLTATIS IVRIDICAE  
 DECANVS,  
**HENRICVS MELCHIOR  
 SCHÜTTE,**  
 PHILOS. ET J. V. D.

MEMORATÆ NEC NON PHILOSOPHICÆ FACVLTATIS  
 ASSESSOR ET PROFESSOR POLITICES PVBL.  
 ORDINARIVS,

L. B. S.

---

ERFORDIAE,  
 Typis JOH. CHRISTOPHORI HERINGII,  
 Acad. Typogr.

